

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- मुख्यमंत्री उमर अब्दुल्ला होरें राई-बाई खेत्तर दे पूरे-पराते विकास सरबंधी कार्यक्रम – एचएडीपी दी अमलावरी दा जायजा लैता। ओमर होरें केई सारी डिजिटल पैहलकदमिएं गी बी शुरू करोआया ऐ।
- विज्ञान ते टेक्नोलाजी मैहकमे दे केन्द्री मंत्री डाक्टर जीतेन्द्र सिंह होरें भारत दे पैहले स्वदेशी तौर उप्पर विकसित हाईड्रोजन ईंधन कन्नै चलने आहले समुंदर ज्हाजै दी सराहना कीती ऐ।
- सुप्रीम कोर्ट वक्फ संशोधन कानून उप्पर अज्ज परतियै सुनवाई करोग।
- जम्मू च जंदी रातीं आए दे तूफान ते बरखा करी आम जनजीवन उप्पर माड़ा असर पेआ ऐ।
- सुप्रीम कोर्ट दे कॉलेजियम नै संजय परिहार ते शहजाद अजीम हुंदी, जम्मू-कश्मीर हाईकोर्ट दे न्याऽधीशें दे तौर उप्पर नियुक्ति दी सिफारश कीती ऐ।

<><><><><><>

CM Omar Abdullah

मुख्यमंत्री उमर अब्दुल्ला होरें राई-बाई खेत्तर दे पूरे-पराते विकास सरबंधी कार्यक्रम –एचएडीपी दी अमल-आवरी दे सरबंधै च कल सिविल सैक्रेटेरिएट च इक जायजा बैठक दी प्रधानता कीती। इस मौके उप्पर मुख्यमंत्री होरें गलाया जे एह कार्यक्रम छड़ी इक नीतिगत पैहलकदमी गै नेई ऐ सगुआं एह करसानें गी सशक्त बनाने, राई-बाई खेत्तर गी अज्जै-कल्लै दे स्हाबै दा बनाने ते 2030 तगर जम्मू-कश्मीर लेई 1 लक्ख करोड़ रुपें दी कृषि अर्थबवस्था दा निर्माण करने दा इक असरदार माध्यम बी ऐ। अपनी सरकार दी तरफा हर मुमकन मदाद दा जकीन दोआंदे होई उ'नें आखेआ जे एचएडीपी तैह्त रम्भी गेदी हर इक योजना, हर इक मंच ते एहदे तैह्त लाए गेदे रपे-पैसे दा मकसद करसानें गी लाह हासल करोआना ऐ। ओमर होरें आखेआ जे उ'दी सरकार, विकास-बाददे आहली इस जात्तरा च करसानें दे कन्नै पूरी मजबूती कन्नै चलै करदी ऐ। बैठक दरान इस खेत्तर च पेश आवै करदी ढांचागत चुनौतिएं दा हल कड्डने पर बी सोच-बचार कीता गेआ।

<><><><><><>

Union Minister Jitendra Singh

विज्ञान ते टेक्नोलाजी मैहकमे दे केन्द्री मंत्री डाक्टर जीतेन्द्र सिंह होरें भारत दे पैहले स्वदेशी तौर उप्पर विकसित हाईड्रोजन ईंधन कन्नै चलने आहले समुंदर जहाजै दी सराहना करदे होई इसी सार्वजनिक ते निजी खेत्तरें दे सांझे जतनें करी थोई दी इस बारी कामयाबी करार दित्ता ऐ। डाक्टर सिंह होरें कल नमीं दिल्ली च वैज्ञानिक ते औद्योगिक शोध सरबन्धी काउंसल – सी.एस.आई.आर. दी चलै करदी पैहलकदमिएं ते उपलब्धिएं दी समीक्षा लेई इक उच्ची सतह दी बैठक सददी। इस दरान उ'नें सी.एस.आई.आर. दे वैज्ञानिक जतनें गी आत्मनिर्भर भारत दे नजरिये कन्नै जोड़ने दे महत्वै पर जोर पाया। श्री सिंह होरें सी.एस.आई.आर. – न्यू मिलेनियम इंडियन टेक्नोलॉजी लीडरशिप इनिशिएटिव दी सराहना करदे होई इसी सार्वजनिक ते निजी खेत्तर च सैह्योगी नवाचार दी इक अनोखी मिसाल करार दित्ता।

<><><><><><>

Supreme Court Waqf Act

सर्वोच्च अदालतै वक्फ संशोधन कानून 2025 गी चुनौती देने आहली याचिकाएं पर सुनवाई करदे होई इस पर कोई अंतरिम आदेश जारी नेई कीता ऐ। एहदे शा पैहले केन्द्र सरकार नै सुप्रीम कोर्ट आसेआ पुट्टे गेदे त्रै बिंदुएं उप्पर अपनी दलीलां तैयार करने लेई होर समां मंगेया हा। प्रधान न्यायाधीश संजीव खन्ना ते न्यायमूर्ति संजय कुमार ते न्यायमूर्ति वी.के. विश्वनाथन हुंदी पीठ ऐकड़ी याचिकाएं दी सुनवाई करै करदी ऐ। हून सर्वोच्च अदालत इस मामले उप्पर अज्ज दपैहरी 2 बजे परतियै सुनवाई करोग। अदालतै इब्बी आखेआ ऐ जे ओह एह आदेश देग जे वक्फ बोर्डें ते केन्द्री वक्फ काउंसल दे सब्बै मैम्बर मुस्लिम गै होने लोड़चदे न। उआं एह हुक्म ओकड़े सदस्यें पर लागू नेई होग जेह्ड़े अपने औहद्धे मूजब, वक्फ बोर्डें ते केन्द्री वक्फ काउंसल दे सदस्य होडन। उ'आं अदालतै आसेआ सुझाया गेदा अंतरिम आदेश कल जारी नेई कीता जाई सकेआ ते अदालतै एह फैसला लैता ते इस मामले पर दलीलां अज्ज बी पेश कीतीआं जाडन। प्रधान न्यायाधीश खन्ना होरें वक्फ कानून च संशोधन दे खलाफ पच्छम बंगाल च भड़की दी हिंसा पर बी चैंता बुज्जी।

<><><><><><>

Chief Secretary

मुख्य सचिव अटल डुल्लू होरें सीएएमपीए दी 25मीं संचालन कमेटी गी संबोधत करदे होई मैहकमे पर तनदेही कन्नै कम्म करने पर जोर पाया तां जे समें सिर लक्ष्य गी हासल कीता जाई सकै। मुख्य सचिव होरें पिछले इक ब'रे च जंगलें गी परतियै हरा-भरा बनाने आले जतनें दा जायजा लैता। उनें बफसरें गी आखेआ जे ओह जंगलें दे चबक्खियां तारबंदी करने लेई पिल्लर लाने दा कम्म पूरा करन तां जे उंदी हिफाजत होई सकै। उनें पैहल दी बिनाह पर कम्म करने आली थाहरें दा पता लाने लेई तकनीक दा सैह्योग लैने लेई गलाया।

<><><><><><>

DDC Poonch

पुंछ दे जिला विकास कमिशनर विकास कुंडल होरें राई-बाई दे पूरे-पराते विकास आहले कार्यक्रम तैहत्त दक्ष किसान सिखलाई कार्यक्रम गी कामयाबी कन्नै पूरा करने आहल करसानें गी ई-प्रमाण पत्तर बंडडे। इस मौके उपपर राई-बाई ते एह्दे'नै सरबंधत होरनें गतिविधिएं कन्नै जुड़े दे कुल 645 करसानें गी एह् सर्टिफिकेट दित्ते गे। ध्यानजोग ऐ जे बन्ने आहले जिले पुंछ च 29 जहार शा मते करसानें एचएडीपी तैहत्त नांS दर्ज करोआए दे न। कल लोआए गेदे कार्यक्रम दरान डिप्टी कमिशनर होरें सिद्दे करसानें कन्ने राबता कीता ते एचएडीपी परियोजनाएं गी लेइयै उ'दे विचार सुने। उ'नें राई-बाई ते होरनें सरबंधत गतिविधिएं च इ'नें पैहलकदमिएं दे महत्वै उपपर लोS पाई।

<><><><><><>

Shri Amarnath Yatra

श्री अमरनाथ जी दी यात्रा लेई पंजीकरण आला कम्म बरोबर जारी ऐ। पिछले 2 दिनें च एधमपुर च 161 लोकें यात्रा लेई पंजीकरण करोआया ऐ। इंदे च 29 महिलां श्रद्धालु बी शामिल न। 93 लोकें जम्मू कश्मीर बैंक दी उधमपुर शाखा च कायम काउंटी पर पंजीकरण करोआया जिंदे च 71 मर्द ते 22 महिलां शामिल न। इंदे च 25 लोकें पहलगाम आले रस्तेया यात्रा करगंन ते बाकी बालताल आले रस्ते राए। सब्बनें गी श्राईन बोर्ड आस्सेआ जारी दिशा निर्देशों दी पालमा करने दी सलाह दित्ती गई ऐ। पंजीकरण करोआने लेई श्रद्धालुएं च बड़ा मता जोश ऐ। इस बारे पेश ऐ साढ़े जिला संवाददाता दी एह रिपोर्ट.....

<><><><><><>

Weather J&K

जम्मू कश्मीर व 100 किलोमीटर फही घैंटे थमां ब; दी रफ्तार कन्नै हवा चली। अंधी झक्खड़, भारी बरखा ते किश थाहरें ऐन गड़ा पौने करी जम्मू खित्ते च कल संजा आम जीवन प्रभावत होआ। आकाशवाणी जम्मू संवाददाता दी रिपोर्ट मूजब अंधी करी केई सारे बूहटे, बिजली दे खम्बे ते टॉवर बगैरा डिग्गी गे, इस करी जम्मू खित्ते दे 10 जिलें च बिजली सेवा प्रभावत होई। जम्मू शैहरा ते होर दुइएं जरनैली शिड़कें पर यातायात प्रभावत होई। जम्मू आले सिविल सचिवालय दी दिवार दे इक हिस्से दे डिग्गी पौने करी केई सारी गडिडएं गी नुकसान पुज्जा ऐ। जम्मू-अखनूर, जम्मू-आर.एस.पुरा, तलाब तिल्लो ते जम्मू-नगरौटा शिड़क पर यातायात प्रभावत रेआ। जम्मू सांबा, कटुआ ते जम्मू-कटरा-रियासी शिड़कें पर बी यातायात प्रभावत होआ। मौसम विभाग नै 18-19 अप्रैल बरखा केई सारी थाहरें पर हल्की थमां दरम्याने दर्जे दी बरखा ते उच्चिएं धारें पर बर्फबारी ते दरम्याने दर्जे थमां भारी बरखा पौने दे असार दस्से न।

<><><><><><>

National Highway

रामबन जिले दे मेहड़ इलाके च सिड़कै दे रक्ख-रखाऽ ते मरम्मती आहले कम्मै दे चलदे, जम्मू-श्रीनगर राश्ट्री जरनैली सिड़क एनएच-44 पर इक समें पर छड़ा इक बक्खी दा गै गड़िडएं दी आओजाई दी खुल्ल दित्ती जा'रदी ऐ। इस सरबंधै च आकाशवाणी समाचार कन्नै गल्ल करदे होई राश्ट्री जरनैली सिड़कै पर ट्रफिक सरबंधी एसएसपी रोहित बस्कोत्रा होरें दस्सेआ

<><><><><><>

Judges High Court

सुप्रीम कोर्ट दे कोलेजियम नै द'ऊं वरिष्ठ न्यायिक अधिकारिएं संजय परिहार ते शहजाद अजीम हुंदी जम्मू-कश्मीर ते लद्दाख हाईकोर्ट दे जजनें दे तौर उप्पर नियुक्ति दी सफारश कीती ऐ। भारत दे प्रधान न्याऽधीश जस्टिस संजीव खन्ना हुंदी अगुवाई आहले सुप्रीम कोर्ट दे कोलेजियम नै कल लाई गेदी अपनी बैठका दरान इस सरबंधी प्रस्ताऽ गी मंजूरी दित्ती। संजय परिहार होर मजूदा समें च डेपुटेशन पर जम्मू-कश्मीर बशेश ट्रिब्यूनल दे सदस्य दे औहद्धे पर काबज न जिसलै के शहजाद अजीम होर जम्मू-कश्मीर ते लद्दाख हाईकोर्ट दे रजिस्ट्रार जनरल दी जिम्मेदारी सांभा करदे न। मजूदा समें च जम्मू-कश्मीर ते लद्दाख हाईकोर्ट च 25 स्थाई जजें दिआं मंजूरशुदा असामियां न जिंदे च 19 स्थाई जजें ते 6 अतिरिक्त जजें दिआं असामियां शामिल न। उ'आं मजूदा समें च हाईकोर्ट च मुख्ख न्याऽधीश हु'दे सने कुल 13 न्याऽधीश गै न ते कोई बी अतिरिक्त जज नेई ऐ।

<><><><><><>

Chief Justice India

सुप्रीम कोर्ट कोलियिम नै 2 वरिष्ठ न्यायिक अधिकारी संजय परिहार ते शाहबाज अजीम होरें गी जम्मू ते कश्मीर ते लद्दाख हाई कोर्ट दे ललमें दे तौर पर नियुक्त करने दी सिफारश कीती ऐ। आकाशवाणी जम्मू संवाददाता दी रिपोर्ट मूजब प्रधान न्यायधीश न्यायमूर्ति संजीव खन्ना हुंदी अध्यक्षता च कोलियिम दी बैठक लग्गी ते इनें दौनें दे नाएं दी सिफारश कीती गई। संजय परिहार होर इसलै जेएंडके स्पैशल ट्रिब्यूनल दे मिनर दे तौर पर सेवा देआ'रदे न। जिसलै के शाहबाज इजीम होर जम्मू ते कश्मीर ते लद्दाख हाई कोर्ट दे तौर पर सेवा देआ'रदे न।

<><><><><><>

J&K Laboue Department

मौसम विभाग आस्सेआ जम्मू कश्मीर च गर्म हवा चलने दी पेशगोई ते बमारिएं दी रोकथाम सरबंधी राश्ट्रीय केन्द्र दे परामर्श दी हिदायतें मूजब जम्मू कश्मीर दे श्रम विभाग नै पूरे प्रदेश च कम्मगारें दी सहूलत लेई महत्वपूर्ण परामर्श जारी कीते न।

શ્રમ આયુક્ત સારી દુકાનેં, કારોબારી ઇદારેં, ઇટ્ટેં દે મટ્ટે, નિર્માણ આલી થાહરેં તે હોરને કમ્મ આલી થાહરેં પર જરૂરી એહતિયાતી ઢાંચા અપનાને લેઈ હિદાયત કીતી એ। કમ્મગારેં ગી દપૈહરી 12 થમાં 3 બજે તગર કમ્મ કરને દી રપ્તાર દિત્તી ગેઈ એ। કમ્મ આલી થાહરેં પર સુરક્ષત તે પીને લેઈ ઠંડા પાની ઉપલબ્ધ કરોઆને લેઈ બી આખેઆ ગેઆ એ।

<><><><><><>